



官常典第七百五十二卷

忠烈部名臣列傳四十七

明十八 陳瓚 周鳳岐

按明外史夏統春傳聞禮武進人由府吏官黃陂典史歲歉民逋漕粟聞禮奉使過漢口貸於所知得千金以代民逋十六年張獻忠陷黃陂愛聞禮才挾與俱去暮卽亡歸會賊所設僞官爲士民殺督兵往救全軍敗歿被執欲降之瓚奮罵不屈斷手剖肝而死鳳岐永康人萬歷末年進士授中書舍人屢遷工部郎中掌節慎庫忤人落職歸崇禎初起故官遷湖廣僉事四川副使苗人爭界爲立碑畫疆以定之改湖廣右參政分守澧州賊來犯援軍敗歿城遂陷賊帥親解其縛說以降怒罵而死

薛聞禮

按明外史夏統春傳聞禮武進人由府吏官黃陂典史歲歉民逋漕粟聞禮奉使過漢口貸於所知得千金以代民逋十六年張獻忠陷黃陂愛聞禮才挾與俱去暮卽亡歸會賊所設僞官爲士民殺

死聞禮曰禍大矣令士民遠避而已獨留以當之俄賊至將屠城聞禮挺身曰殺官者我也賊欲活之言不止乃見殺當是時賊延蔓中原覆名城不可勝數然迄無降賊者

徐學顏 李毓英 汪文熙 戴良瑄 王良鑑 曾斌

按明外史忠義傳學顏字君覆永康人母疾衣不解帶者三月禱於天請以身代夜夢神人授藥旦識其形色廣覓之得荆歷疾遂愈父爲中城兵馬指揮忤要人下吏學顏三疏訟寃所司格不上徧叩諸公卿莫爲雪將置重辟學顏號泣爭於刑部不能得至齧臂血濺於庭乃獲釋歸弟食指繁推所居大宅畀之尙義疎財爲德族黨崇禎三年建東宮詔舉孝友廉潔博物洽聞可勵俗維風者有司以學顏應寢不行三登鄉試副榜當爲訓導至十二年始以恩貢生特授楚府左長史引義匡輔王甚敬之強宗亦爲戢上官交薦未及擢用會十五年冬諸司長官及武昌知府江夏知縣並以朝覲行學顏攝江夏事繕修守備楚府新募兵卽令學顏將之明年正月大寇臨城城中惟監司王揚基王瓚二人學顏共守亡何揚基遁去人心益搖至晦日新軍內叛城陷學顏格鬪斷左臂大罵不屈爲賊支解一家二十餘人殉之通判固安李毓英亦舉家自縊同死者武昌衛經歷汪文熙巡檢

戴良瑄及僧官一人俱冒賊不屈腰斬賊既陷武昌分兵陷屬邑於是嘉魚知縣霍山王良鑑蒲圻知縣臨川曾栻俱抗節死事聞學顏贈僉事毓英等贈恤有差

馮雲路 汪延陞 熊霄 明睿

按明外史忠義傳雲路字漸卿黃岡人好學勵行年三十卽棄諸生從賀逢聖講學遂寓居武昌著書數百卷崇禎三年巡按御史林銘球薦其賢并上所著書不用及賊將渡江雲路貽書逢聖曰在內以寧湖爲止水在外以漢江爲汨羅寧湖者雲路談經處也城既陷乘桴入寧湖賊遣使來聘追呼曰我主以高爵待賢人公何遠遁遙應曰我平生止讀忠孝書未嘗讀降賊書也遂投湖死年四十有六從遊諸生汪延陞亦死焉其同邑熊霄字渭公亦移居武昌嗜古學尤喜邵子皇極書頗言未來事十六年元旦盡以所撰性理格言圖書懸象大易參諸書付其三弟曰能讀此可以保身立命我生平積力在焉善藏弗失城破前一日貽書雲路言明日當覓我某樹下及期行樹旁賊亦追至躍入荷池以死有諸生明睿者江夏人城破賊獨不入其門睿慨然曰安有父母之邦覆而偷生苟活者語家人速從我入井否則速去於是妻二子二女及諸婢以次投井睿笑曰吾今曠然無累

古今圖書集成
二
矣從容榜諸門赴井死時人號爲明井

傅如圭 子邦霖 邦楨

按德安府志如圭字元錫時特行保舉法撫按以如圭應詔赴部試授知縣移家武昌癸未五月會城陷如圭被執罵賊死子邦霖官生邦楨楚國賓同殉難

謝淳培

按漢陽府志淳培字應侯江夏人著籍漢陽以春秋中甲子鄉試最爲吳越間談經者所稱癸未五月賊逼會城淳培受當事之命城守朝夕唯謹盤詰奸細不少怠五月三十日城陷淳培毅然不屈遂遇害

閔致

按德安府志致字還極孝友淑躬詩書訓後公事正言而聲流學校輕財周急而譽駿鄉評癸未六月闖賊圍青堆砦率衆死守因渴水砦陷尙奮勇擊賊與妻李氏同死焉

戴茲

按德安府志茲字小戴安陸人爲名諸生闖僞將白旺據郡城守禦諸弁暨奸人多爲賊耳目會有巡道章曠提兵恢復白旺遁去茲盡列從賊姓名以告悉就駢戮未幾曠奉調赴漢沔旺復至遍加搜捕磔茲於市茲罵不絕口至斷舌以死

董其雄 萬中翹 鄭時行

按德安府志其雄字仲才安陸諸生試輒高等以學行著白旺據城奉僞檄試士按學冊無其雄名屬役敦迓之迫之就道其雄曰是尚可苟生乎竟赴水死時萬中翹鄭時行亦赴水死

張素蓄 宣屠

按德安府志素蓄字德普安陸諸生白賊之難與鄉人楊則虞等結堡於傅家砦距城僅二十里許賊日以兵脅之不順也因大舉圍之堡內隨機應敵傷賊無算越七日爲人所給致數賊闖入砦中千人內潰爭赴水死素蓄闔宅遇害獨宣屠者素以膂力聞持短刀立殺數賊力竭爲賊所執死

萬國裕

按德安府志國裕安陸人爲郡功曹掾崇禎癸未白旺據鄭城拘國裕寫檄招村堡國裕擲筆曰某

不能爲賊作書記因匿於家賊怒搜獲之刃於市

張光先

子國勳 國柱 國棟

按安陸縣志光先字明扶職司守禦崇禎癸未秋白逆虎視勛城光先與楊開合義旅拒之衆未合而光先爲奸人所執不屈以死其子國勳國柱國棟俱磔死

熊祚延

按德安府志祚延字祈公孝感人力學敦行補諸生有聲藝苑所著希會錄弘藝解務闡正心誠意之旨學者宗之居家以孝友著聞性慷慨好施與里中貧不能婚葬者或至鬻產以應明季流寇交訐蔓延秦晉楚豫間祚延詣當事上勦撫策娓娓數千言當事不能用乃逃亂白雲山中父老廉其義推爲保障糾集鄉勇立營寨申約束寇母敢犯後郡賊大舉入寇祚延率衆禦之會大風霾晝晦士卒相失祚延以十餘騎從間道行泥淖中馬陷被執罵賊不屈而死里人哀之

雷鼓英

按德安府志鼓英字四維安陸人崇禎庚午舉人癸未賊據郡城欲官之從間道走武昌又值獻賊

之變闔家赴水死

張用晦

按德安府志用晦雲夢人邑諸生明經完我之子也癸未流賊陷城白雲若義兵恢復起兵應之敗被獲不屈死之

劉康明

弟綏明

按德安府志康明字坤寧安陸人崇禎己卯歲貢壬午謁選得宜城訓導嘗闢氛據襄陽不得赴當事素廉其才委攝武昌江夏兩學篆癸未楚陷題齋壁詩曰方城百雉舊雄疆一任賊鋒上下狂正氣不因苜蓿減風吹阜比劍花香書已肅衣冠拜先聖殿前爲自經計會數賊闖入康明罵曰此宣聖宮牆爾賊何得至此賊怒而刃之弟綏明字來之名諸生慷慨自負聞賊拷士匿山中不食死

王元會

按勛陽府志元會崇禎十六年知勛西事己卯張獻忠夜襲城破元會死焉

劉承漢

按武昌縣志承漢字心五入邑庠三十年鍵戶讀書居恒以忠盡自許癸未夏獻逆陷武昌入湖至東港諸民竄伏蘆葦中承漢露立爲賊所執賊令之跪厲聲叱賊曰鼠輩我豈拜汝哉賊怒截其舌嚙血唾面扼吭而死

賀逢聖

子觀明 光明

按明外史本傳逢聖字克繇江夏人舉於鄉家貧就應城教諭萬歷四十四年由殿試第二人授翰林編修天啟時歷官洗馬魏忠賢聞湖廣生祠上梁文出逢聖筆特詣之逢聖曰此借銜陋習耳予安能數千里外爲人作文忠賢拂然去誣以營求典試削其籍莊烈帝卽位起故官崇禎元年累遷少詹事遭外難廬墓三載還朝進詹事拜禮部右侍郎改吏部進左尋擢禮部尙書九年六月以本官兼東閣大學士入閣輔政尋加太子太保改文淵閣溫體仁罷歸張至發爲首輔逢聖與善給事中丁允元劾其引宵人汪應龍詆斥正人高攀龍左光斗而至發訐黃道周逢聖爲屬草時論非之十一年致政歸歷陳道中所見災傷及垂死困敝狀報聞十四年與周延儒同召還朝帝待之不如延儒遠甚充位而已明年正月朔旦帝行尊師禮揖輔臣皇極殿逢聖亦與焉屢疏引疾至六月得

請帝將增置閣臣召延儒逢聖等賜坐德政殿逢聖謝恩大哭不止駕移中極殿諸輔臣隨入賜宴逢聖復大哭拜跪十數不已衆咸怪之詔賜道里費八十金彩幣四表裏大紅蟒衣一襲遣行人護歸瀕行疏謝因救尙書李日宣等帝優詔答焉十六年六月張獻忠圍武昌逢聖晨夕登陴與士卒同饑困數日城陷亟詣楚王府邀與同死不知王所在遂被賊執叱之曰我朝廷大臣若輩不得無禮賊麾使去乃北向五拜三稽首投墩子湖死妻危氏子觀明子婦會氏陳氏孫三人皆從死次子光明自他所來赴亦死之事定有司覓其屍闔八日顏色不變福王時贈少傅諡文忠祭葬廕子如制逢聖居相位無可稱然平生苦節自甘束修砥行其學以一念不起爲極晚節一門殉難不易所守云

呂維禔

按明外史呂維祺傳維祺弟維禔字泰儒由選貢生爲樂平知縣解職歸崇禎十六年賊陷新安抗節死贈按察僉事

蔡道憲 林國俊 周二南 馮一第 唐德明 謝如珂

按明外史忠義傳道憲字元白晉江人崇禎十年進士授大理推官父艱服闋起官長沙地多盜察豪民通盜者把其罪而任之盜方劫富家分財收者已至召富家還所失物皆愕不知所自惡少年閉戶謀爲盜敗戶捕卒已坐其門爭散去吉王府宗人恣爲奸利道憲先治而後啟王王召責之抗聲曰今四海鼎沸寇盜日滋王不愛民一旦鋌而走險能獨與此曹保富貴乎王悟謝遣之奸人爲歛手十六年五月晦張獻忠陷武昌長沙大震承天巡撫王揚基率所部千人自岳州奔長沙道憲請還駐岳州曰岳與長沙唇齒也并力守岳則長沙可保而衡永亦無虞揚基曰岳非我屬也道憲曰棄北守南猶不失爲楚地若南北俱棄所屬地安在揚基語塞乃赴岳州及賊入蒲圻卽遁去湖廣巡撫王聚奎遠駐袁州憚賊不敢進道憲亦請移岳聚奎不得已至岳數日卽徙長沙道憲曰賊去岳遠可繕城以守彼犯岳猶憚長沙援若棄岳長沙安能獨全聚奎不從賊果以八月陷岳州直犯長沙先是巡按御史劉熙祚委道憲募兵得壯丁五千訓練之皆可用至是親將之與總兵官尹先民等扼羅塘河聚奎聞賊逼懼甚令道憲等撤兵還城道憲曰去長沙六十里有險可柵以守毋使賊踰此又不從及賊傳城聚奎詭出戰遽率所部遁惠王以避難寓長沙與吉王謀出奔會偏沅

巡撫李乾德總兵官孔希貴自岳州潰至遂與熙祚奉二王走衡州時知府壻引錫入觀未返通判周二南往攝攸縣事城中文武無幾士民盡竄道憲猶勒兵拒守賊遠城呼曰軍中久知蔡推官名速降毋自苦道憲命守卒射之多斃賊怒攻益力越三日先民出戰敗還賊奪門入先民降道憲被執賊啗以官嚼齒大罵釋其縛延之上坐罵如故賊使先民說道憲益怒奮起摔擊賊以道憲愛民謂曰汝不降將盡殺百姓道憲大哭曰願速殺我毋害我民賊知終不可奪磔之氣垂絕猶作忿恨聲賊問何恨曰恨不殺先民耳其心血直濺賊面賊爲昏仆者久之健卒林國俊等九人隨道憲不去賊亦令說道憲降國俊曰吾主畏死去矣不至今日賊曰爾主不降爾輩亦不得活國俊曰我輩若畏死亦去矣不至今日賊并殺之四卒奮然曰願埋主屍後死賊許之乃解衣裹道憲骸瘞之南郊醴陵坡遂自刎道憲死時年二十九後贈太僕少卿諡忠烈堵引錫爲道憲建祠醴陵坡上二南字汝爲雲南人由選貢生爲長沙通判盡職業與道憲深相得道憲之死二南力請於上官獲恤久之擢岳州知府士民固留乃以新秩還長沙後亦死王事祀於道憲祠邑中舉人馮一第走湘鄉將乞師他方賊帥繫其母與兄以招之一第乃歸就縛賊將斬之一老僧伏地哭請免賊乃去其兩手

置營中一夕死母兄獲免附祀道憲祠賊陷東安舉人唐德明仰藥死犯耒陽諸生謝如珂拒戰死

張鵬翼

歐陽顯宇

林不息

楊開

賴萬耀

莫可及

子若鼎
若鉦

董我前

彭允中

蔣道亨

按明外史忠義傳鵬翼西充人崇禎中由選貢生授衡陽知縣十六年八月張獻忠逼衡州巡撫王聚奎李乾德及監司以下皆遁士民盡奔竄鵬翼獨守空城賊至卽陷脅使降戟詬罵賊縛而投諸江妻子赴水死賊之赴岳州也巴陵教諭桂陽歐陽顯宇時攝縣事死焉其赴臨湘也知縣莆田林不息抗罵不屈斷其兩手而殺之湘陰陷知縣大埔楊開率家屬十七人投水死其丞賴萬耀攝醴陵縣事城破亦死之宜興莫可及者長沙府照磨也攝寧鄉縣事殉城死二子若鼎若鉦號慟奔赴遇害衡州旣陷屬縣衡山亦失守知縣富順董我前教諭分宜彭允中皆盡節府教授永明蔣道亨攝武陵縣事抱印罵賊見殺其他文武將吏非降則逃長沙史可鏡官給事中丁艱歸降賊賊用爲湖廣巡撫及賊退被李乾德加榜掠城南都伏法

劉熙祚弟永祚

按明外史忠義傳熙祚字仲緝武進人父純仁泉州推官熙祚舉天啟四年鄉試崇禎中爲興寧知縣地產斷腸草啖之輒死奸民用以脅財物熙祚令贖罪者必以草以是致死者勿問其弊爲止課最徵授御史十五年冬巡按湖南李自成陷荆襄諸府張獻忠又破蘄黃臨江欲渡熙祚歎曰門庭旣失堂奧必危不能保障湖南何顏立於世明年二月抵岳州諸將分防江潯檄過沅鄖陽二撫聯絡形勢會賊馬守應據澧州窺常德土寇甘明揚等助之熙祚馳至常德遣將先繫土寇明揚授首五月還長沙及武昌岳州相繼陷以羅塘河地居要害令總兵尹先民副將何一德督萬人守無何巡撫王聚奎撤守長沙賊遂長驅至聚奎大怖卽率潰將孔全彬黃朝宣張先璧等走湘潭沿途焚劫熙祚以長沙不能守奉吉惠二王奔衡州聚奎兵亦至焚劫如初衡爲桂王封地王及吉惠二王亦登舟避聚奎兵熙祚痛恨聚奎而欲藉其兵守衡乃於九月單騎赴永州爲城守計未幾聚奎復走祁陽衡州遂陷永州士民聞之空城逃二王至永州聚奎繼至越日全彬等亦至劫庫金去熙祚乃奉二王出城遣部將護走廣西而已返永州拒守俄賊騎追至執赴衡州見獻忠獻忠踞桂王宮叱令跪不屈命群毆之傷目自殿城曳至端禮門膚盡裂使降將尹先民說之終不變見殺事聞贈

太常少卿諡忠毅弟永祚字叔遠由選貢生授嵎縣知縣遷養利知州有惠政改興化同知計擒賊曾旺攝仙遊縣事靖劇寇後以副使知興化府事時值城陷仰藥死弟綿祚字季延崇禎四年進士爲吉安永豐知縣隣境九蓮山界閩粵賊窟其中綿祚屢請兵會勦賊怒率衆來攻綿祚出擊三戰三捷賊益大至綿祚伏兵黃牛峒誘賊復大破之縣境以安以積勞得疾請告歸乃卒兄弟三人並死王事王聚奎旣失永州後伺賊退潛還武昌爲代者何騰蛟所劾貢緣免

王孫蘭

按明外史忠義傳孫蘭字晚仲無錫人崇禎四年進士授刑部主事進員外郎遷成都知府蜀府宗人虐民民相聚將焚內江王第孫蘭亟撫諭之民解散父憂服闋起官紹興大修荒政遷廣東副使分巡南雄韶州二府及廣州之連州清遠駐韶州甫蒞任連州猺賊爲亂馳湟川進勦三戰皆捷猺遂降十六年張獻忠大亂湖南湖南之郴州宜章與韶接壤孫蘭乞援於督府不應最後以七百人至一宿復調去及賊陷長沙衡州大肆屠戮韶所轄樂昌乳源仁化連寧一空連州守將先據城叛韶城士民聞之空城逃而賊所設僞官傳檄將至孫蘭仰天歎曰失封疆當死賊陷城又當死吾盍

先死乎遂自縊時十月二十有二日也孫蘭既死賊竟不至朝廷憫其忠命予贈恤

馮師孔 黃綱 章尙綱 吳從義 崔爾達

按明外史本傳師孔字景魯原武人萬歷四十四年進士授刑部主事歷員外郎郎中恤刑陝西釋疑獄一百八十人天啟二年出爲真定知府舉治行卓異遷并陘兵備副使以憂歸崇禎二年起臨鞏兵備改固原再以憂歸侍郎謝陞署吏部事舉監司才堪督撫者十人師孔與焉服闋起懷來兵備副使移密雲忤鎮守中官鄧希詔撫他事劾之逮下吏抗疏辨竟削籍歸至十五年詔舉邊才用兵部侍郎張鏡心薦起故官監通州軍勤王兵集都下剽劫公行割婦人首報功師孔大怒以其卒抵死拊凋殘輯士卒給事中熊汝霖等交章頌其功明年五月吏部尙書鄭三俊舉天下賢能方面官亦及師孔踰月擢右僉都御史代蔡官治巡撫陝西時總督孫傳庭將大舉討賊師孔主調兵食十月傳庭出關敗績李自成長驅破潼關不數日抵西安城下師孔厲兵拒守會偏將內應賊城遂陷師孔投井死按察使黃綱長安知縣吳從義秦府長史章尙綱指揮崔爾達並死之綱字季侯光州人天啟二年進士授南宮知縣崇禎中歷遷淮海兵備副使以憂歸服除起臨鞏兵備副使調番

兵大破賊潼關原尋以右參政分守洮岷擢陝西按察使甫一歲遇難自成勸之降叱曰潼關之戰汝我戮餘也今日肯降汝也妻子先赴井死綱得問亦赴井死贈太常卿諡忠烈尙綱會稽人聞城陷投印井中冠服趨王府端禮門再拜自縊贈按察副使從義浙江山陰人崇禎十三年進士甫之官值比歲兵荒力請於上官委曲賑恤訓練丁壯三百人擊賊有功督師孫傳庭駐大軍西安征求不出從義令豪族均輸民力稍寬城陷從容下城釋戎服襲冠裳望闕叩頭投井死贈按察僉事爾達不知何許人亦赴井死

丘從周

按明外史馮師孔傳有吏丘從周者長不滿三尺乘醉罵自成曰若一小民今妄踞王府將僭僞號而所爲暴虐若此何能久賊怒斫殺之

林日瑞 郭天吉 馬爌 哈維新 藍臺 姚世儒 羅俊傑 趙宣

按明外史本傳日瑞字浴元詔安人萬曆四十四年進士歷廬州池州二府推官遷戶部主事進員外郎郎中崇禎四年出爲浙江右參議改江西右參政憂歸服闋起故官分守湖東屬縣鉛山界閩